

NAQQIISUT

Siunnersuut ulloq 8. februar 2014-imeersoq taarserpaa, pissutigalugu aaqqissuussinikkut allannguiteqartitsisoqarmat, ilanngullugu nassuaatini erseqqissaasoqarluni.

**Uunga siunnersuut: Unammilleqatigiinneq pillugu Inatsisartut inatsisaat nr. xx, xx.
2014-imeersoq (unammilleqatigiinnermut inatsit)**

Kapitali 1

Siunertaa atorneqarfissaalu

§ 1. Inatsisartut inatsisaanni siunertaavoq suliffeqarfinnut atuisunullu iluaqutaasumik sunniuteqartumik unammilleqatigiinnikkut inuaqatigiinni sunniuteqarluartumik isumalluutnik atuinissamik siuarsaanissaq.

§ 2. Inatsisartut inatsisaanni inuussutissarsiorluni suliaqarneq sunaluunniit kiisalu inuussutissarsiorluni suliaqarnissamut pisortat aningaasaatai atorlugit tapersiisarneq pineqartunut ilaapput.

Imm. 2. Unammilleqatigiinnermik killiliineq pisortat maleruagassiinerisa toqqaannartumik malitsigisimappagu imaluunniit pisariaqartumik malitsigisariaqarsimappagu, kapitali 2-imi, 3-imi aamma 4-imi maleruagassat atuutissanngillat. Unammilleqatigiinnermik killiliineq kommunalbestyrelsimit aalajangersarneqartoq, communalbestyrelsip inatsisit naapertorlugit suliassanik naammassinnissinnaanissaanut pisariaqarsimappat aatsaat toqqaannartumik imaluunniit pisariaqartumik tamanut maleruagassiinerup malitsigisimassavaa.

Imm. 3. Aalajangiineq kommunit ataatsimoorlutik aalajangigaat, takuuk inuussutissarsiornikkut suliaqarnermut il.il. aningaasaliinikkut inuussutissarsiornermik ineriartortitsinissamut iluaqsiinissamut kommunit periafissaqarnerat pillugu Inatsisartut inatsisaat, aalajangiinernut communalbestyrelsimit aalajangerneqartunut sanilliunneqassaaq, takuuk imm. 2.

Imm. 4. Unammilleqatigiinnermut ataatsimiitaliaq isumaqarpat tamanut maleruagassiineq imaluunniit tapersiisarnermut aaqqissuussaq unammilleqatigiinnermut ajoqusiisumik sunniuteqarsinnaasoq imaluunniit allatigut inuaqatigiinni isumalluutnik sunniuteqarluartumik atuinissamut akornusiisinnaasoq, Unammilleqatigiinnermut ataatsimiitaliaq unammilleqatigiinnermut ajoqusiisumik sunniuteqarnerinik uparualluni Naalakkersuisunut tunngavilersukkamik oqaaseqaateqarsinnaavoq kiisalu suliassaqarfimmil unammilleqatigiinnissamik siuarsasussanik siunnersuuteqarsinnaalluni. Naalakkersuisut Unammilleqatigiinnermut ataatsimiitaliaq oqaaseqaataata tiguneranit kingusinnerpaamik

sapaatit akunnerisa 4-it qaangiunneranni Unammilleqatigiinnermut ataatsimiititaliap oqaaseqaataanut akissuteqassapput. Unammilleqatigiinnermut ataatsimiititaliap piffissaliussaq sivitsorsinnaavaa.

§ 3. Inatsisartut inatsisaanni aningaasarsianut sulinermullu pissutsit pineqartunut ilaannngillat. Taamaattoq Unammilleqatigiinnermut ataatsimiititaliap suliaqarnerminut atugassatut kattuffinnit suliffeqarfinnillu aningaasarsianut sulinermullu pissutsit pillugit paasissutissat piumasinnaavai.

§ 4. Kapitali 2-imi aalajangersakkat suliffeqarfiup imaluunniit suliffissuup ataatsip iluani isumaqatigiissutinut, akuersinernut aamma suleriaatsinut ataqatigiissitanut atuutinngillat.

Imm. 2. Naalakkersuisut Unammilleqatigiinnermut ataatsimiititaliap oqaaseqaataanik pinireernermini imm. 1-ip atorneqarnera pillugu maleruagassanik aalajangersaasinnaapput, ilanngullugit suliffeqarfiup imaluunniit suliffissuup ataatsip iluani isumaqatigiissutit, akuersinerit aamma suleriaatsit ataqatigiissitat qanoq paasineqassanersut pillugu maleruagassat.

§ 5. Inatsisartut inatsisaat manna malillugu niuerfiit attuumassuteqartut killissalersorneqarnerat piumanninnermut aamma neqeroortitsinermut taarsiisarnermik aamma unammilleqatigiinnissamut periarfissaqarneranik misissuinerit tunngavigalugit piissaq. Unammilleqatigiinnissamut periarfissaqarnera misissornejassaaq, suliffeqarfiit akuusut niuerfimmi attuumassuteqartumi inissisimanerat upternarsarneqarsimagaangat, aammalu inissisimaneq taanna Inatsisartut inatsisaat unioqqutinnejarsimanaersoq nalornissuteqalersitsisimagaangat.

Imm. 2. Unammilleqatigiinnermut ataatsimiititaliaq imm. 1 malillugu naliliinermut atugassatut sulianik ilisimasalinnik avataaneersunik peqataatitsisinnaavoq.

Kapitali 2

Unammilleqatigiinnermik killilersuisumik isumaqatigiissuteqarnissamut inerteqquteqarneq

§ 6. Suliffeqarfiit isumaqatigiissutinik toqqaannartumik imaluunniit toqqaannanngitsumik unammilleqatigiinnermik killiliinissamik siunertaqartunik imaluunniit malitseqartussanik isumaqatigiissuteqarnissaat inerteqqutaavoq.

Imm. 2. Imm. 1 malillugu isumaqatigiissutit assersuutigalugu imarisinnaavaat:

- 1) pisinissamut imaluunniit tunisinissamut akiusunik imaluunniit allanik niuernermut tunngavissarititaasunik aalajangersaanerit,
- 2) tunisassiornerup, tunisisarnerup, teknikkikkut inerisaanerup imaluunniit aningaasaliinerit killilersornissai imaluunniit nakkutigineqarnissai,
- 3) niuerfiit imaluunniit pilersuiffit aggulunnissaat,

- 4) niuernermi suleqatinut sullississutinut assigiimmik naleqartunut naligiinngitsumik atugassarititaasussanik atuinissaq, taamaaliornikkut unammilleqatigiinnermik ajornerulersitsisussaq,
- 5) isumaqatigiissuteqaqatigineqartup tapiliussatut sullississutit pissusissamisoornerminni imaluunniit niuernermi pissusiusartut malillugit isumaqatigiisssummut attuumassuteqanngitsut akuerisassagai, isumaqatigiissuteqarnermut atugassarititaasussatut piumasaqaatigineqassasoq,
- 6) suliffeqarfiiit marluk amerlanerusulluunniit, suliassanut aalajangersimasunut suleqatigiiffimmik pilersitsinermikkut, unammilleqatigiinnikkut pissusilersornerminnik ataqtigiiissitsinerat, imaluunniit
- 7) tuniseqqinnerni akiusunik saneqqunneqarsinnaanngitsunik aalajangersaanerit imaluunniit allatut iliornikkut niuernermi suleqataasup ataatsip arlallilluunniit tunisinermi akiusussanut ilitsersuinernik saneqqutsisinnaanngitsinniarneri.

Imm. 3. Imm. 1 aamma suliffeqarfiiit kattusimaffiata iluani akuersinernut aammalur suliffeqarfiiit akornanni ataqtigiiissitamik suleriaaseqarnernut atuuppoq.

Imm. 4. § 6, imm. 1-imik unioqqutisinerit unitsinniarnissaat siunertaralugu, Unammilleqatigiinnermut Ataatsimiititaliaq peqqusissuteqarsinnaavoq, takuuk § 28. Imm. 1-imut atatillugu Unammilleqatigiinnermut Ataatsimiititaliap nangaanartoqartitsinera sillimaffiginiarlugu, ataatsimiititaliap aamma suliffeqarfiiup neriorsuuteqarneri saneqqunneqarsinnaanngitsutut inississinnaavai, takuuk § 29.

Imm. 5. Isumaqatigiissutit akuersinerillu imm. 1-3 malillugit inerteqqutaasut, taakkua § 7 malillugu ilaatinneqanngitsunut ilaasimanngippata, § 8 malillugu atuutsitsiviunngitsunut ilaasimanngippata, § 9 malillugu nalunaarummi pineqartunut ilaasimanngippata imaluunniit § 10 malillugu ataatsimoortunik pineqartunut ilaatsinnginnermi ilaasimanngippata, atuuttussaanngillat.

§ 7. § 6, imm. 1-imi inerteqquteqarneq atuutissanngilaq:

- 1) isumaqatigiissut suliffeqarfiiit niuerfinni kalluarneqartuni unammilleqatigiittut imaluunniit unammilleqatigiilersinnaasut akornanni isumaqatigiissuteqarneq pisimappat, niuerfinni arlaanniluunniit attuumassuteqartuni isumaqatigiisssummi kalluarneqartuni isumaqatigiissuteqarnermi suleqataasut ataatsimut katillugu niuerfimmiititaat 10 procentimit annertunerunngippata, taamaattoq takuuk imm. 2 aamma 3,
- 2) isumaqatigiissut suliffeqarfiiit niuerfinni kalluarneqartuni unammilleqatigiinngitsut imaluunniit unammilleqatigiilersinnaanngitsut akornanni isumaqatigiissuteqarneq pisimappat, niuerfinni arlaanniluunniit attuumassuteqartuni isumaqatigiisssummi kalluarneqartuni isumaqatigiissuteqarnermi suleqataasut ataatsimut katillugu niuerfimmiititaat 15 procentimit annertunerunngippata, taamaattoq takuuk imm. 2 aamma 3, imaluunniit
- 3) isumaqatigiisssummi suleqataasut ataatsimut katillugu kaaviiartitaat 5 millioner koruuninit amerlanerunngippata, taamaattoq takuuk imm. 2 aamma 3.

Imm. 2. imm. 1-imi ilaatisinnginneq atutissanngilaq, suliffeqarfiit imaluunniit suliffeqarfiit kattuffiata isumaqatigiissutigippagu, ataqtigiiissippagu imaluunniit akuerippagu:

- 1) nioqqutissanik imaluunniit kiffartuussissutinik tunisinermut imaluunniit akiusut, iluanaarutissat il.il.,
- 2) tunisassiornermik imaluunniit tunisinermut killilersuinissaq,
- 3) niuerfinnik imaluunniit sullitanik agguluineq, imaluunniit
- 4) sioqqutsisumik neqeroorutinik iluarsiinissaq, neqerooruteqarnissamut ammaassinissamut tunngavissarititaasunik aalajangersaaneq, neqeroorutinik kinguartitsineq, neqeroorutinik sioqqutsisumik nalunaaruteqarneq imaluunniit neqerooruteqarnissaq sioqqullugu qanorluunniit ilusilimmik suleqatigiinnissaq.

Imm. 3. § 6, imm. 1-imi inerteqquneqarneq atutissaaq, imm. 1-imi suliffeqarfiit akornanni isumaqatigiittooqarnera, suliffeqarfiit kattuffiata iluani akuersineq aamma suliffeqarfiit akornanni suleriaatsinik ataqtigiiissitsineq apeqquatainnagu, taakkua isumaqatigiissutit, akuersinerit imaluunniit suleriaatsinik ataqtigiiissitsinerit assingusut, unammilleqatigiinnermik killiliisimappata.

Imm. 4. Isumaqatigiissut unammilleqatigiit akornanni imaluunniit unammilleqatigiinngitsut akornanni isumaqatigiissutaasoq immikkoortikkuminaassimappat, killissaliussatut naliusoq 10 procentiusoq atutissaaq.

Imm. 5. Imm. 1-imi ilaatisinnginneq atutissaaq, nr. 1-imi aamma 2-imi niuerfimmiiitat killissaliussamut naliusunit 10 procentiusumit 15 procentiusumillu, qaammatisiutit malillugit ukiuni tulleriinni marlunni 2 procentpointinik 2-init annertunerusumik annertunerusimanngippata.

Imm. 6. Naalakkersuisut Unammilleqatigiinnermut Ataatsimiititaliamit oqaaseqaateqaqqusereernermik kingorna, imm. 1, nr. 3 malillugu kaaviiartitanik naatsorsuisarneq pillugu maleruagassanik, kiisalu imm. 1, nr. 1-imi aamma 2-imi, takuuk imm. 5, niuerfimmiiitat annertussusissaannik annikinnerusumik qaangiinermi ilaatisinnginnermut maleruagassanik aalajangersaasinnaapput.

§ 8. Unammilleqatigiinnermut Ataatsimiititaliap nalunaaruteqartoqarnerata kingorna suliffeqarfiit akornanni isumaqatigiissutit, suliffeqarfiit kattuffiata iluani akuersinerit imaluunniit suliffeqarfiit akornanni suleriaatsinik ataqtigiiissitsinerit § 6, imm. 1-imi inerteqquteqarnermi ilaatinngissinnaavai, Unammilleqatigiinnermut Ataatsimiititaliaq naliliiguni tamanna:

- 1) tunisassiornerup imaluunniit nioqqutissanik imaluunniit kiffartuussissutinik siammerinerup sunniuteqarluartumik ingerlanerata pitsangorsarnissaanut iluaqutaasoq imaluunniit teknikkikut aningaasaqarnikkullunniit ineriarternermik siuarsaasooq,
- 2) taamaaliornermi atuisartut pisisartullu iluaqutissartaasunik naleqquttumik pissarsinissaat qulakkeerneqartoq,

3) suliffeqarfinnut siunnerfiusut taakkua angunissaannut pisariaqanngitsumik killilersuisunik pisussaaffiliinngitsut, aamma

4) nioqqutissat imaluunniit kiffartuussissutit pineqartut ilaannut annertuumut unammilleqatigiinnissamik mattussinissamik suliffeqarfinnut periarfissiinngitsoq.

Imm. 2. Isumaqtigisumik, akuersinermik imaluunniit suleriaatsimik ataqtigisitamik pineqartumik imm. 1 malillugu ilaatinneqannginnissamik piumasaqarluni nalunaaruteqarneq Atuisartoqarnermut Unammilleqatigiinnermullu Aqtsisoqarfimmuit tunniunneqassaaq.

Unammilleqatigiinnermut Ataatsimiititaliaq nalunaaruteqartarneq pillugu maleruagassanik aalajangersaassaaq, ilanngullugu immikkut nalunaaruteqarnermi immersugassanik atuinissaq.

Imm. 3. Imm. 1 malillugu aalajangiinerni allanneqassaaq ilaatisinnginneq piffissami sumi atuunnersoq. Iluatitsinnginneq siusinnerpaamik piffissamit nalunaaruteqarnerup pineranit atuutilersinnaavoq. Iluatitsinnginneq atugassarititaasussat tunngavigalugit akuerineqarsinnaavoq.

Imm. 4. Nalunaaruteqareernerup kingorna Unammilleqatigiinnermut Ataatsimiititaliaq naliliippat imm. 1-imi tunngavissarititaasut suli piusut, Unammilleqatigiinnermut Ataatsimiititaliap ilaatisinnginneq sivitsorsinnaavaa. Imm. 3 taamatuttaaq atuutissaq.

Imm. 5. Unammilleqatigiinnermut Ataatsimiititaliap imm. 1 imaluunniit imm. 4 malillugu aalajangiineq allanngortissinnaavaa imaluunniit utertissinnaavaa, imaattoqarpat:

- 1) aalajangiinermut immikkoortumi pingaaruteqartumi pissusiviusut allannguuteqarsimasut,
- 2) isumaqtigisummi, akuersinermi imaluunniit suleriaatsimi ataqtigisitami peqataasut, atugassarititaasussat malinngippasigit, imaluunniit
- 3) aalajangiineq isumaqtigisummi, akuersinermi imaluunniit suleriaatsimi ataqtigisitami peqataasunit paasissutissat eqqunngitsut imaluunniit uukapaatitsisut tunngavigalugit pisimappat.

§ 9. Unammilleqatigiinnermut Ataatsimiititaliap suliffeqarfimmit imaluunniit suliffeqarfifit kattuffianit nalunaaruteqareernerup kingorna nalunaarutigisinnaavaa, isumaqtigisut, akuersineq imaluunniit suleriaaseq ataqtigisitaq pissutsit Unammilleqatigiinnermut Ataatsimiititaliap ilisimasai malillugit § 6, imm. 1-imi inerteqquteqarnermi pineqartunut ilaanngippata, taamaattumillu § 6, imm. 4 malillugu peqqusissuteqarnissamut tunngavissaqanngitsoq. Unammilleqatigiinnermut Ataatsimiititaliaq nalunaaruteqartarneq pillugu maleruagassanik aalajangersaassaaq, ilanngullugu nalunaaruteqarnermi immikkut immersugassamik atuinissaq pillugu maleruagassat.

§ 10. Naalakkersuisut Unammilleqatigiinnermut Ataatsimiititaliamit oqaaseqaateqaqqusereernermeri kingorna isumaqtigisutinut, akuersinernut imaluunniit suleriaatsinik ataqtigisitanut ataatsimoortunut § 8, imm. 1-imi tunngavissarititaasunik naammassinnittunut § 6, imm. 1-imi inerteqquteqarnermi ilaatisinnginnissaq pillugu maleruagassanik aalajangersaasinnaapput.

Imm. 2. Suliffeqarfinnut kattuffiup iluani isumaqatigiissutit, akuersinerit imaluunniit suleriaatsit ataqtigiiitat, ataatsimoortumik ilaatsinnginnermi imm. 1 malillugu akuerineqarsimasumi pineqartunut ilaasut, pisumi aalajangersimasumi § 8, imm. 1-imi tunngavissarititaasunut naapertuitinngitsumik sunniuteqarsimappata, Unammilleqatigiinnermut Ataatsimiititaliap suliffeqarfinnut isumaqatigiissummi akuusunut ataatsimoortumik ilaatsinnginneq atorunnaarsissinnaavaa.

Kapitali 3

Pissaaneqarnerusumik inissisimanermik atornerluisarneq

§ 11. Suliffeqarfimmut ataatsimut arlalinnulluunniit pissaaneqarnerusumik inissisimanermik atornerluinissaq inerteqqutaavoq.

Imm. 2. Imm. 1 malillugu atornerluineq assersuutigalugu pisimasinnaavoq:

- 1) toqqaannartumik imaluunniit toqqaannanngitsumik pisinermi imaluunniit tunisinermi akiusunik naapertuitinngitsunik imaluunniit allanik niuernermi tunngavissarititaasunik naapertuitinngitsunik pinngitsaaliissuteqarnermi,
- 2) tunisassiornermi, tuniniaanermi imaluunniit teknikkikkut inerisaanermi atuisartunut pisisartunullu ajoqtaasumik killilersuinermi,
- 3) niueqatigisanut sullississutinut assigiimmik naleqartunik atugassarititaasunik naligiinngitsunik atuinermi, taamaaliornermilu unammilleqatigiinnermi ajornerusumik inissisimatitsilernermermi, imaluunniit
- 4) isumaqatigiissuteqarnermut atugassarititaasussatut, isumaqatigiissuteqaqataasup tapiliussatut sullississutit, pissusissamisoornerminni imaluunniit niuernermi pisartut malillugit isumaqatigiissummi ilaasunut attuumassuteqanngitsut, akuerissagai piumasaqaateqarnermi.

Imm. 3. Imm. 1-imik unioqqutitsinerit unitsinnissaat siunertaralugu

Unammilleqatigiinnermut Ataatsimiititaliaq § 28 naapertorlugu peqqusissuteqarsinnaavoq. Unammilleqatigiinnermut Ataatsimiititaliap imm. 1-imut tunngatillugu nangaanartoqartitsinera sillimaffiginiarlugu, ataatsimiititaliap aamma neriorsuutit suliffeqarfiup tunniussimasai sanequnneqarsinnaanngitsunngortissinnaavai, takuuk § 29.

Imm. 4. Unammilleqatigiinnermut Ataatsimiititaliaq suliffeqarfimmit ataatsimit arlalinniilluunniit nalunaaruteqareernerup kingorna nalunaaruteqarsinnaavoq, pissusilfersorneq aalajangersimasoq, pissutsit Unammilleqatigiinnermut Ataatsimiititaliap ilisimasai malillugit imm. 1-imi pineqartunut ilaannngitsut, taamaattumillu imm. 3 malillugu peqqusissuteqarnissamut tunngavissaqanngitsoq.

Imm. 5. Unammilleqatigiinnermut Ataatsimiititaliap apeqquteqartoqarneratigut nalunaaruteqassaaq, suliffeqarfik ataaseq arlallilluunniit pissaaneqarnerusumik inissisimanermik atuinersut. Unammilleqatigiinnermut Ataatsimiititaliaq nalunaaruteqarpat, suliffeqarfik pissaaneqarnerusumik inissisimanermik atuinngitsoq, Unammilleqatigiinnermut

Ataatsimiititaliap taassuminnga utertitsinissaata tungaanut nalunaaruteqarneq allanngortinnejarsinnaanani atuutissaaq.

Imm. 6. Unammilleqatigiinnermut Ataatsimiititaliaq najoqqutassat imm. 4 imaluunniit 5 malillugit aalajangiinissamut atugassat pigineqartussat pillugit maleruagassanik aalajangersaasinjaavoq.

Kapitali 4

Unammilleqatigiinnermik equtitsisumik tapersiisarneq

§ 12. Unammilleqatigiinnermut Ataatsimiititaliaq peqqusissuteqarsinnaavoq, inuussutissarsiornermi suliaqarnernut aalajangersimasunik iluseqartunut iluaqutaasumik pisortat aningasaatai atorlugit tapersiissuteqarneq unitsinnejassasoq imaluunniit utertinneqassasoq.

Imm. 2. Peqqusissuteqarneq nalunaarutigineqarsinnaavoq, tapersiissutaasoq:

- 1) toqqaannartumik imaluunniit toqqaannanngitsumik unammilleqatigiinnermik equtitsinissamik siunertaqarpal imaluunniit malitseqarpat, aamma
- 2) pisortat maleruagassiisarnerat naapertorlugu inatsisinut naapertuitinngippat.

Imm. 3. Tapersiissuteqarnerup utertinneqarnissaa pillugu peqqusissuteqarneq, inuussutissarsiornermik suliffeqarfinnut namminersortunut, sullissivinnut imminut pigisunut kiisalu suliffeqarfinnut tamakkiisumik ilaannaasumilluunniit pisortanit pigineqartunut ingerlatseqatigiiffittut ingerlanneqartunut, sammitinneqarsinnaavoq. Tapersiissuteqarnerup utertinneqarnissaa pillugu imm. 1 malillugu peqqusissuteqarneq aamma suliffeqarfinnut tamakkiisumik ilaannaasumilluunniit pisortanit pigineqartunut, ingerlatseqatigiiffinnut assigusumik iluseqartumik ingerlanneqartunut, erseqqinnerusumik aalajangerneqartunut sammitinneqarsinnaasoq pillugu maleruagassanik Naalakkersuisut aalajangersaasinjaapput.

Imm. 4. Unammilleqatigiinnermut Ataatsimiititaliap pisortanit tapiissutit utertinneqarnissaannik peqqusissuteqarnissamut piginnaatitaanera, tapersiissutit tunniutereernerisa kingorna, maleruagassat nalinginnaasut malillugit pisoqalisassaaq. Piffissaliussaq atorunnaarsinnejarsinnaavoq, Unammilleqatigiinnermut Ataatsimiititaliap nammineerluni suliniuteqarnermigut imaluunniit naammagittaallioroqarnera tunngavigalugu suliamik aallartitsinera aallarnerfigalugu aammalu ataatsimiititaliap aalajangiinissaata tungaanut. Unammilleqatigiinnermut Ataatsimiititaliaq kingusinaartumik akiliuteqarnermi il.il. ernialiussat pillugit inatsit malillugu, utertitsillugit akiliuteqarnermut atatillugu ernianik naatsorsuissaaq, ilanggullugu unammilleqatigiinnermik equtitsisumik tapersiissutip tunniunneqartup ernialersorneqarsinnaanera.

Imm. 5. Unammilleqatigiinnermut Ataatsimiititaliaq nalunaaruteqartoqareernerata kingorna nalunaaruteqarsinnaavoq, pissutsit Unammilleqatigiinnermut Ataatsimiititaliap ilisimasai malillugit pisortanit tapersiissutit imm. 2, nr. 1-imi aamma 2-imi pineqartunut ilaannngitsut, taamaattumillu peqqusissuteqarnissaq tunngavissaqanngitsoq. Unammilleqatigiinnermut Ataatsimiititaliaq nalunaaruteqartarneq pillugu maleruagassanik aalajangersaasinjaavoq,

ilanngullugu nalunaaruteqarnermi immikkut immersugassamik atuinissaq pillugu maleruagassat.

§ 13. Namminersorlutik Oqartussat, kommunit il.il. inuussutissarsiornermik suliaqarnermik taamaattumik inatsimmi § 2, imm. 1-imi taaneqartumik ingerlataqarnerat unitseqqullugu Unammilleqatigiinnermut Ataatsimiititaliaq peqqusissuteqarsinnaavoq, suliaqarneq taanna:

- 1) niuerfimmi pineqartumi sunniuteqarluartumik unammilleqatigiinnissamut tunngaviusunik equitsippat, imaluunniit equitsisinnaappat, imaluunniit
- 2) sunniuteqarluartumik unammilleqatigiinnissamut tunngaviusut piunerannik imaluunniit ineriartortinneqarnerannik kigaalaqusersuippat, imaluunniit kigaalaqusersuinissatut atuussinnaappat.

Imm. 2. Inuussutissarsiornermik suliaqarneq inatsimmi tunngaveqartumik ingerlanneqarpat peqqusissuteqarneq nalunaarutigineqarsinnaanngilaq.

Imm. 3. Allatut aalajangiisoqanngippat peqqusissuteqarneq ingerlaannaq atuutilissaq.

§ 14. § 13-imi maleruagassat atuupput suliffeqarfinnut, peqatigiiffinnut, aningaasaateqarfinnut il.il. pisortani oqartussaasut toqqaannartumik imaluunniit toqqaannangitsumik piginnittuunermikkut, aningaasalersuinermi peqataanermikkut, maleruagassani atuuttuni imaluunniit allatut ittumik immikkoortortamut aalajangiisuusumik sunniuteqarfigisaannut.

Kapitali 5

Suliffeqarfiiit kattunnerannik nakkutiginninneq

§ 15. Kapitalimi matumani aalajangersagaq atorneqassaaq, suliffeqarfiiit peqataasut ataatsimut katillugu ukiumut Kalaallit Nunaanni minnerpaamik 100 mio. koruuninik kaaviiartitaqarpata, aammalu suliffeqarfinni peqataasuni minnerpaamik marluk tamarmik immikkut ataatsimut katillugu ukiumut Kalaallit Nunaanni minnerpaamik 50 mio. koruuninik kaaviiartitaqarpata.

Imm. 2. Kattunneq suliffeqarfiiup ataatsip arlallilluunniit ilaannik pisinikkut pilersimappat, tunisisumut imaluunniit tunisisunut tunngatillugu imm. 1-imi kaaviiartitanik naatsorsuinermi taamaallaat kaaviiartitat pigisanut tiguneqartunut tunngasut eqqarsaatigineqassapput.

Imm. 3. Taamaattoq imm. 2-imi pineqartutut pisinerit marluk arlallilluunniit, inuit imaluunniit suliffeqarfiiit taakkua akornanni ukiut marluk iluanni pisut, kattunnertut ataasiinnartut piffissami kingullermik akiliinermi pisimasutut isigineqassapput.

Imm. 4. Naalakkersuisut Unammilleqatigiinnermut Ataatsimiititaliap oqaaseqaateqaqquneqareernerata kingorna imm. 1 malillugu kaaviiartitanik naatsorsuisarneq pillugu maleruagassat erseqqinnerusut aalajangersassavaat, ilanngullugu suliffeqarfinnut

aninkaasanik suliaqartunut kaaviiartitanut killissaliussat taaneqartut nalillit allat tunngavigalugit naatsorsorneqartassasut pillugu maleruagassat.

§ 16. Kattunneq Inatsisartut inatsisaanni matumani paasineqarpoq tassaasoq:

- 1) suliffeqarfiiit marluk imaluunniit arlallit maannamut imminnut attuumassuteqarsimangitsut suliffeqarfimmut ataasiinnarmut ataatsimuulersinnejarpata, imaluunniit
- 2) inuk ataaseq imaluunniit inuit arlallit, minnerpaamik suliffeqarfimmik ataatsimik imaluunniit suliffeqarfimmik ataatsimik arlalinnilluunniit nakkutigisaqareersut, piginneqataassutinik pisiortornikkut imaluunniit pigisanik isumaqatigiissuteqarnikkut allatulluunniit suliffeqarfimmik ataatsimi arlalinnilluunniit allani tamakkiisumik imaluunniit ilaannik toqqaannartumik imaluunniit toqqaannanngitsumik nakkutiginnilerpata.

Imm. 2. Suliffeqarfiiit akornanni inuussutissarsiornermi suliassami suleqatigiinnissamik pilersitsineq, ataavartussamik tunngaveqartumik inuussutissarsiornermi suliassap atuuffiinik tamaginnik namminersortumik isumaginniffiusussaq, imm. 1, nr. 2 malillugu kattunneruvoq.

Imm. 3. Inatsit manna malillugu suliffeqarfimmut nakkutiginninneq, pisinnaatitaaffitsigut, isumaqatigiissutitigut imaluunniit allatut iluseqartumik, ataasiakkaarlugit imaluunniit ataatsimoortillugit suliffeqarfiiup ingerlanneqarneranut aalajangiisuusumik sunniuteqarnissamut periarfissaqalersitsisumik anguneqartarpoq.

Imm. 4. Imm. 1 naapertorlugu kattunneq pisangnilaq:

- 1) taarsigassarsiniartarfiiit, suliffeqarfiiit aningaasalersuisartut imaluunniit sillimmasiisarfiiit, pappiaqqanik aningaasanik nalilinnik nammineq akilikaminnik imaluunniit allat akiligaannik aningaasanik nuussisarnermik niuernermillu ilaqaartumik nalinginnaasumik suliaqartut, tuniniaaqqinnissaq siunertaralugu piginneqataassutinik suliffeqarfimmik pisariisimasaminnik pigisaqarallartuuppata, suliffeqarfiiup unammilleqatigiinnikkut pissusilersoneranik aalajangersaanissaq siunertaralugu piginneqataassutinut taakkununnga atasumik taasisinnaatitaanerminkat atuinatik imaluunniit suliffeqarfiiup taassuma imaluunniit taassuma pigisaanik imaluunniit piginneqataassutinik taakkuninnga tamakkiisumik ilaannaasumilluunniit tuninissaanik piareersaanissaq siunertaralugu taasisinnaatitaanerminkat taassuminnga atuillutik aammalu tunisineq pigisaqalernerup kingorna kingusinnerpaamik ukiup ataatsip qaangijunnerani tunisineq pilluni,
- 2) nakkutiginninneq inummit akiliisinnaajunnaartarneq il.il. pillugu inatsit malillugu suliffeqarfimmik pigisaqarsinnaasumik pigineqalerpat, imaluunniit
- 3) imm. 1, nr. 2-imi aningaasanik nuussinerit taaneqartut ingerlatseqatigiiffinnik piginnittunit tamatuma saniatigut namminersorlutik inuussutissarsiornermi suliaqarnermik ingerlatsinatik taamaallaat suliffeqarfinnik allanik piginnittuusunit ingerlanneqarpata, taamaattoq taasisinnaatitaanerit piginneqataassutinut atasut pigisaat, pingaartumik suliffeqarfinni piginneqataassuteqarfiusuni pisortatut oqartussaasussani aamma nakkutilliinermik oqartussaasussani ilaasortassanik toqqaanermut atatillugu, aningaasaliinerit taakkua

tamakkiisumik nalingannik attassiinnarnissamut taamaallaat atorneqarnissaat aammalu toqqaannartumik imaluunniit toqqaannanngitsumik suliffeqarfinni taakkunani unammilleqatigiinnikkut pissusilorsornermik aalajangiinissamut atorneqannginnissaat killilersuutigineqarluni.

Imm. 5. Unammilleqatigiinnermut Atatsimiititaliap piumasaqartoqarneratigut imm. 4, nr. 1-imi piffissaliussaq sivitsorsinnaavaa, taarsigassarsiniartarfiup, suliffeqarfip aningaasalersuisartup imaluunniit sillimmasiisarfip uppermarsarpagu, piffissaliussatut aalajangersagaasup iluani tunisinissamut naleqquttumik periarfissaqarsimanngitsoq.

§ 17. Kattunneq Inatsisartut inatsisaanni matumani pineqartunut ilaasoq, kattunnissamut isumaqatigiissutip atsiorneqareernerata kingorna, tigusinissamut neqeroorutip tamanut ammasumik saqqummiunneqareernerani imaluunniit piginneqataassutaasoq nakkutiginitsitsisoq pisiarineqareeraangat aammalu taassuma piviusunngortinnejannginnerani Atuisartoqarnermut Unammilleqatigiinnermullu Aqutsisoqarfimmut nalunaarutigineqassaaq.

Imm. 2. Atuisartoqarnermut Unammilleqatigiinnermullu Aqutsisoqarfip kattunnissaq nalunaarutigineqarsimasoq tamanut ammasumik saqqummiussinnaavaa. Tamanut ammasumik saqqummiussinermi ilaassapput kattunnermi peqataasut atii, kattunnerup suussusaa aammalu aningaasaqarnikkut suliassaqarfuit kalluarneqartut.

Imm. 3. Naalakkersuisut Unammilleqatigiinnermut Atatsimiititaliamut oqaaseqaateqaqqusereernerterik kingorna kattunnernik nalunaarutiginnittarneq pillugu maleruagassanik erseqqinnerusunik aalajangersaasinnaapput, ilanngullugit nalunaarutiginninnermi immersugassanik immikkut ittunik atuinissaq pillugu maleruagassat, aammalu kattunnissamik nalunaarutiginninnermik isertuussassaanngitsutut ilusilimmik nassiussisarneq pillugu.

§ 18. Naalakkersuisut kattunnermik nalunaarutiginninnermut akiliummik aalajangersaasinnaapput.

Imm. 2. Akiliutit nalunaarutiginninnermut peqatigitillugu Atuisartoqarnermut Unammilleqatigiinnermullu Aqutsisoqarfimmut akilerneqassapput. Akiliinermut uppermarsaat nalunaarutiginninnermut ilanngunneqassaaq. § 23, imm. 1-imi piffissaliussaq ulloq aqutsisoqarfip nalunaarutiginninnerup tamakkiisup saniatigut akiliummik akiliisimanermut uppermarsaammik tigusinerata aallarnerfigalugu aallartissaq.

Imm. 3. Kattunneq nalunaarutigineqarsimasutut isigineqassanngilaq, imm. 2 malillugu piumasaqaateqartoqarluartoq akiliut akilerneqarsimanngippat.

Imm. 4. Imm. 2 malillugu akiliummut akiliutaareersoq utertillugu akilerneqassanngilaq, imaattoqarsimanngippat:

1) aningaasanik nuussineq nalunaarutigineqartoq nalunaarutigineqartussaatitaanngitsoq,

- 2) nalunaaruteqarnerup tamakkiisunissaa sioqqullugu nalunaaruteqarneq tunuartinnejartoq, imaluunniit
- 3) § 22, imm. 1 imaluunniit 7 malillugu aalajangiisoqarnissaa sioqqullugu nalunaaruteqarneq tunuartinnejartoq, aammalu tunuartitsinermut oqartussaasup allap suliffeqarfii kattunnermik nalunaarutiginninnermi ilaasut ataatsimoortilernissaannut itigartitsisimaneranik pissuteqartoq.

§ 19. Unammilleqatigiinnermut Ataatsimiititaliaq aalajangiissaaq kattunneq akuerineqarsinnaanersoq imaluunniit inerteqquteqarfingeqassanersoq, taamaattoq takuuk imm. 7.

Imm. 2. Kattunneq unammilleqatigiinnerup sunniuteqarluarnissaanik, pingartumik pilersitsinerup malitsigisaanik imaluunnit pissaaneqarnerusumik inisisimanermik nukittortitsisumik, annertuumik akimmisaartitsinngitsoq akuerineqassaaq. Kattunneq unammilleqatigiinnerup sunniuteqarluarnissaanik, pingartumik pilersitsinerup malitsigisaanik imaluunniit pissaaneqarnerusumik inisisimanermik nukittortitsisumik, annertuumik akimmisaartitsisoq inerteqquteqarfingeqassaaq.

Imm. 3. Suliassanut suleqatigiilernermik pilersitsisoqartillugu § 16, imm. 2 malillugu kattunnerusumik, aammalu suliffeqarfii imminnut attuumassuteqanngitsut unammilleqatigiinnermi pissusilorsornerisa ingerlaannarnissaannik siunertaqtumik imaluunniit ataqatigiissitsisumik, ataqatigiissitsineq taanna aningaasanik nuussineq akuerineqarsinnaanersoq aalajangersinnaajumallugu § 6, imm. 1-imi aamma § 8, imm. 1-imi tunngavissarititaasut malillugit nalilersorneqassaaq.

Imm. 4. Imm. 3 malillugu nalilersuinermi Unammilleqatigiinnermut Ataatsimiititaliap pingartumik mianerissavai:

- 1) ataatsikkut suliffeqarfii marluk amerlanerusulluunniit pilersinneqartut, suliassanut suleqatigiilernermi pineqartumisuulli malunnarluartumik niuerfimmiilernersut imaluunniit niuerfimmut tassunga imaluunniit niuerfimmut tassunga assingusumut niuerfimmut tassunga qanittumik atasumut tunngatillugu niuerfimmi suliaqarnerup siornaniilernersut imaluunniit kingornaniilernersut, aamma
- 2) suliffeqarfii peeqataasut suliassanut suleqatigiilernermik pineqartumik pilersitsinermik toqqaannartumik pissuteqartumik ataqatigiilernermanni, nioqqutissat imaluunniit kiffartuussissut pineqartut annertunersaannut unammilleqatigiinnissamut akornusiinissamut periarfissaqalernersut.

Imm. 5. Kattunneq Inatsimmi matumani pineqartunut ilaasoq, nalunaarutigineqareersimanngikkuni imaluunniit Unammilleqatigiinnermut Ataatsimiititaliaq imm. 1 naapertorlugu akuersissuteqareersimanngippat, piviusunngortinneqassangilaq. Tamanna kattunneq piaartumik Atuisartoqarnermut Unammilleqatigiinnermullu Aqtsisoqarfimmut nalunaarutigineqarpat aammalu pisisup taasisinnaataanerit pappiaqqanut nalilinnut pineqartunut atasut atunngippagit imaluunniit aningaasaliinermi nalingata tamakkiisup pigiinnarnissaa siunertaralugu aammalu Unammilleqatigiinnermut

Ataatsimiititaliap immikkut ittumik saneqqutsinissamut akuersissuteqarneratigut, takuuk imm. 6, tamanut ammasumik tigusinissamut neqeroorummik imaluunniit pappiaqqani nalilinni tulleriissaartumik aningaasanik nuussinermik piviusungortitsinissamut akornutaanngilaq, ilanngullugit taamaattut, allanut pappiaqqanut nalilinnut allanngortinneqarsinnaasut, niuerfimmi aningaasanut niuerfittut ittuni tunineqarsinnaasut, taamaaliornikkut tuniniaasunit assigiinngitsunit nakkutiginninnermik pisisoqartarluni, takuuk § 16.

Imm. 6. Unammilleqatigiinnermut Ataatsimiititaliaq imm. 5-imi aalajangersakkap saneqqunneqarnissaanut immikkut ittumik akuersissuteqarsinnaavoq aammalu tassunga atatillugu unammilleqatigiinnerup sunniuteqarluartuunissaata qulakkeerneqarnissaa siunertaralugu atugassaritaasussanik ilanngussisinnaalluni imaluunniit peqqusissuteqarsinnaalluni.

Imm. 7. Atuisartoqarnermut Unammilleqatigiinnermullu Aqutsisoqarfieuq imm. 1 apeqqutaatinnagu, suliassanik suliarinnineq pisariillisagaasoq malillugu kattunneq akuerisinnaavaa, aqutsisoqarfik isumaqaruni kattunneq paasisutissat pigineqartut tunngavigalugit aqutsisoqarfieuq tungaaniit akerliliissuteqarnissamut pissutissaqalersitsinngitsoq.

§ 20. Nalunaarutiginninnerup tamakkiisup tigunerata kingorna kingusinnerpaamik ulluinnaat 40-it qaangiunneranni, taamaattoq takuuk § 18, imm. 2, kattunneq akuerineqarsinnaanersoq aalajangiisoqassaaq, ilanngullugu kattunneq suliassanik suliarinnineq pisariillisagaasoq malillugu akuersissuteqarfigineqarsinnaanersoq. Piffissaliussap taassuma iluani kattunneq immikkut misissuiffigineqassanersoq pillugu aalajangiisoqarsinnaavoq.

Imm. 2. Kattunnerup immikkut misissuiffigineqarnera aallartinneqarpat, takuuk imm. 1, oqaaseqatigiit aappaat, imm. 1-imi piffissaliussap taaneqartup naareernerata kingorna kingusinnerpaamik ulluinnaat 90-it qaangiunneranni kattunnissaq pillugu akuersissuteqarnissaq imaluunniit inerteqquteqarnissaq pillugu aalajangiisoqassaaq.

Imm. 3. Suliffeqarfieuq peqataasup ataatsip arlallilluunniit neriorsuut nutaaq imaluunniit iluarsisaq siunnersuutigippassuk, imm. 2-imi piffissaliussaq ulluinnaat 20-it tikillugit sivitsorneqassaaq. Piffissaliussaq taamaallaat sivitsorneqassaaq piffissami neriorsummik tunniuissiffiusumi imm. 2 malillugu aalajangiisussaagaluarnermit ulluinnaat 20-init ikinnerusut sinnerussimappata, taamaalillunilu neriorsuut nutaaq imaluunniit iluarsisaq tunngavigalugu kattunnermik nalilersuinissamut ataatsimut katillugit ulluinnaat 20-iullutik.

Imm. 4. Aammattaaq imm. 2-imi piffissaliussaq Unammilleqatigiinnermut Ataatsimiititaliap aalajangiineratigut sivitsorneqarsinnaavoq, tunngavissarititaalluni suliffeqarfik imaluunniit suliffeqarfiiit nalunaarutiginnissimasut tamatuminnga piumasaqarsimassasut imaluunniit taamaattoqarnissaanik akuersisimallutik. Sivitsuineq ulluinnarnit 20-init sivisunerusinnaanngilaq.

Imm. 5. Piffissaliussat imm. 1-4 malillugit piffissaliunneqartut iluanni aalajangiisoqarsimanngippat, tamanna kattunermik akuersilluni aalajangiisimanertut isigineqassaaq.

§ 21. Unammilleqatigiinnermut Ataatsimiitaliaq kattunermut akuersissuteqarnermut, takuuk § 19, imm. 2, atugassarititaasunik ilangussisinnaavoq imaluunniit peqqusissuteqarsinnaalluni, ilangullugu suliffeqarfiiit peqataasut kattunnerup ajoqutaasumik sunniateqarnissaa peerniarlugu neriorsummik Unammilleqatigiinnermut Ataatsimiitaliamut tunniussimasaminnik naammassinninnissaasa qulakkeerneqarnissaa.

Imm. 2. Atugassarititaasut imaluunniit peqqusissuteqarneq ilaatigut tassaasinnaapput suliffeqarfiiit peqataasut:

- 1) suliffeqarfik, suliffeqarfiiup ilaa, pigisat imaluunniit allat piginnittut soqtigisaat tunissagaat,
- 2) allanik isersinnaasoqassasoq nassuerutigissagaat imaluunniit
- 3) allanik sunniateqarluartumik unammilleqatigiinnermik siuarsaasinnaasunik iliuuseqassasut.

Imm. 3. Kattunnerup akuersissuteqarfingeqareernerata kingorna Unammilleqatigiinnermut Ataatsimiitaliaq suliffeqarfiiit peqataasut ataatsimiitaliamut neriorsuutaannik piffissaq eqqorlugu aammalu eqqortumik naammassinninnissaasa qulakkeernissaannut pisariaqartumik peqqusissuteqarsinnaavoq, takuuk imm. 1.

§ 22. Unammilleqatigiinnermut Ataatsimiitaliap kattunermik akuersissuteqarneq utertissinnaavaa:

- 1) Unammilleqatigiinnermut Ataatsimiitaliap aalajangiinera annertuumik annertussusilimmik paassisutissanik, suliffeqarfiiit peqataasut ataatsip arlallilluunniit pisuussutigisaanik, eqqunngitsunik uukapaatitsisunillu tunngaveqarsimappat, imaluunniit
- 2) suliffeqarfiiit peqataasut atugassarititaasumik imaluunniit peqqusissutaasumik malinninngippata, takuuk § 21, imm. 1.

§ 23. Unammilleqatigiinnermut Ataatsimiitaliaq § 19, imm. 1 malillugu kattunermik piviusunngortinneqareersimasumik inerteqquteqarnissaq pillugu aalajangiinermigut, suliffeqarfiiit imaluunniit pigisat tiguneqartut imaluunniit kattussimasut aggulunnissaannik imaluunniit ataatsimoorullugu nakkutiginninnerup imaluunniit allap suulluunniit sillimaniarnermut maleruagassap unitsinneqarnissaanik peqqusissuteqarsinnaavoq, sunniateqarluartumik unammilleqatigiinnermik pilersitseqqissinnaasussamik.

Kapitali 6

Tamanut ammatitsineq aamma allagaatinik takunnissinnaaneq

§ 24. Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat Inatsisartut inatsisaat manna malillugu sulianut atuutinngilaq, tassani ilaanatik § 4, imm. 2, § 7, imm. 6, § 8 imm. 2, oqaaseqatigiit aappaat, § 9, oqaaseqatigiit aappaat, § 10, imm. 1, § 11, imm. 6, § 12, imm. 3, oqaaseqatigiit aappaat aamma imm. 5, oqaaseqatigiit aappaat, § 15, imm. 4, § 17, imm. 3, § 26, imm. 3, aamma § 34, imm. 3 malillugit aalajangersakkanik aalajangersaanissaq pillugu suliat. Taamaattoq pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 4, imm. 2, aamma § 6 atuutissapput. Paasisutissat Inatsisartut inatsisaat manna malillugu pissarsiarineqarsimasut ingerlatsivimmut oqartussamut allamut tunniunneqarsimappata oqaaseqatigiit siulliit aamma oqaaseqatigiit aappaat aamma atuutissapput.

Imm. 2. Unammilleqatigiinnermut Ataatsimiititaliap oqaaseqaataa tunngavilersugaasoq aamma Naalakkersuisut § 2, imm. 4 malillugu akissuteqaataat, kiisalu Unammilleqatigiinnermut Ataatsimiititaliap Inatsisartut inatsisaat malillugu aalajangiineri tamanut ammasumik saqqummiunneqassapput. Aammattaaq aalajangiinerit Unammilleqatigiinnermut Ataatsimiititaliaq sinnerlugu Atuisartoqarnermut Unammilleqatigiinnermullu Aqutsisoqarfimmit aalajangiunneqartut, aalajangiineq Inatsisartut inatsisaata atorneqarneranik paasinninnissamut pingaaruteqartutut imaluunniit allatigut tamanut ammasumik soqtiginaateqartutut nalilerneqarpat, tamanut ammasumik saqqummiunneqassapput. Suliani § 38 innersuussutigalugu akileeppusissuteqarnermik pineqaatissiisoqartillugu imaluunniit aalajangiisoqartillugu, pineqaatissiineq, akileeppusissuteqarnermik akuersineq imaluunniit taassuma naalisarnera tamanut ammasumik saqqummiunneqassaaq.

Imm. 3. Unammilleqatigiinnermut Ataatsimiititalia suliaqarnera aammalu nalinginnaasumik nassuaasiai pillugit paasisutissat Unammilleqatigiinnermut Ataatsimiititaliap tamanut ammasumik saqqummiussinnaavai.

Imm. 4. Imm. 2 aamma 3 malillugit tamanut ammasumik saqqummiinermi pissutsit teknikkimut tunngasut, ilanngullugit ilisimatusarneq, tunisassioriaatsit, tunisassiat kiisalu ingerlatsinermi niuernermilu isertuussassat, pillugit paasisutissat, inummut imaluunniit suliffeqarfimmut paasisutissanik peqarfiusumut aningaasaqarnikkut annertuumik pingaaruteqarsimappata, tamanut ammasumik saqqummiunneqassanngillat. Aammattaaq suliffeqarfinni Aningaasaqarnermut nakkutilliisoqarfimmit nakkutigineqartuni sullitat ataasiakkaat pillugit paasisutissat tamanut ammasumik saqqummiunneqassanngillat.

Imm. 5. Unammilleqatigiinnermut Ataatsimiititaliamut paasisutissanik tunniussisussaq, ataatsimiititaliap siulitaasuanut piumasaqarsinnaavoq, paasisutissat imm. 4 naapertorlugu tunniuteqquaanngitsut imaluunniit tamanut ammasumik pissarsiarineqarsinnaasussaanngitsut, aamma ataatsimiititaliami ilaasortanut

tunniunneqassanngitsut. Siulittaasup inaarutaasumik aalajangissavaa paassisutissat qanoq annertutigisumik aammalu qanoq iluseqartumik tunniunneqartariaqaraluarnersut.

§ 25. Pisortat ingerlatsineranni suliassat suliarineqartarnerat pillugu Inatsisartut inatsisaat Inatsisartut inatsisaat manna malillugu suliani atuuppoq. Suliani pisortat ingerlatsineranni suliassat suliarineqartarnerat pillugu Inatsisartut inatsisaat malillugu suliami akuusumut tusarniaaffiusussaasuni, aalajangiinissamut missingiut tamaat suliamut akuusumut tusarniaassutigineqarnissaa pineqartunut ilaavoq. Oqaaseqaateqarnissamut piffissaliussaq minnerpaamik sapaatit akunnerinik 3-inik sivisussuseqassaaq, tamatumani suliaq Unammilleqatigiinnermut Ataatsimiitaliamut saqqummiunneqareersimanngippat.

Kapitali 7

Unammilleqatigiinnermut oqartussaasoq, aaqqissuussaaneq aamma piginnaatitaaffiit

§ 26. Unammilleqatigiinnermut Ataatsimiitaliap Inatsisartut inatsisaata matuma aammalu peqqussutit Inatsisartut inatsisaat manna malillugu aalajangersarneqartut malinneqarnissaat nakkutigissavaa. Unammilleqatigiinnermut Ataatsimiitaliap suliassaq nammineerluni suliniuteqarnermigut, nalunaarutiginnitoqarnerani imaluunniit naammagittaalliuutaasoq tunngavigalugu suliarisinnaavaa. Unammilleqatigiinnermut Ataatsimiitaliap aalajangissavaa suliami misissuinissamut imaluunniit aalajangiinissamut naammattumik pissutissaqarnersoq, ilanngullugu suliassamik suliariinnineq utaqqiisaasumik imaluunniit inaarutaasumik unitsinneqassanersoq. Taamatuttaaq suliffeqarfiiit siusinnerusukkut § 29 malillugu neriorsuuteqareersimappata, Unammilleqatigiinnermut Ataatsimiitaliaq aalajangersinnaavoq suliassaq suliariarnagu.

Imm. 2. Atuisartoqarnermut Unammilleqatigiinnermullu Aqutsisoqarfik Inatsisartut inatsisaat manna malillugu suliani Unammilleqatigiinnermut Ataatsimiitaliamut allattoqarfiuvoq aammalu Unammilleqatigiinnermut Ataatsimiitaliaq sinnerlugu Inatsisartut inatsisaannik ulluinnarni allaffissornikkut aqtsineq isumagisaralugu. Atuisartoqarnermut Unammilleqatigiinnermullu Aqutsisoqarfik sulinermini Unammilleqatigiinnermut Ataatsimiitaliaq assigalugu arlaannaannulluunniit attuumassuteqanngitsumik atuuppoq.

Imm. 3. Unammilleqatigiinnermut Ataatsimiitaliap suleriaasisaa aammalu Unammilleqatigiinnermut Ataatsimiitaliap aamma Atuisartoqarnermut Unammilleqatigiinnermullu Aqutsisoqarfiup sulinerannut maleruagassat erseqqinnerusut Unammilleqatigiinnermut Ataatsimiitaliamut ilaasortassanik inassuteqartarnermut toqqaasarnermullu, Unammilleqatigiinnermut Ataatsimiitaliap siulittaasuanit inassuteqaateqarnikkut piffissap atuuffissaasup naanissaa sioqqullugu ataatsimiitaliamti ilaasortanik soraarsitsisarnermut maleruagassat kiisalu Unammilleqatigiinnermut Ataatsimiitaliamti ilaasortat Inatsisartuni Naalakkersuisunilu il. il. ilaasortat

aninaasarsiaqartitaanerat il. il. pillugit Inatsisartut inatsisissaannut naapertuuttumik aninaasarsiaqartinneqarnissaat pillugu maleruagassat Naalakkersuisut aalajangersassavaat.

§ 27. Unammilleqatigiinnermut Ataatsimiitaliaq siulittaasoqarpoq aammalu 6-inik ilaasortaqluni. Siulittaasoq aamma ilaasortat piffissamut ukiut 4-it tikillugit sivisussusilimmuit Naalakkersuisunit toqqarneqassapput. Unammilleqatigiinnermut Ataatsimiitaliaq pisortani namminersortunilu inuussutissarsiornermi suliffeqarfinnut tamatigoortumik ilisimasaqassaaq, ilanngullugu pissutsit inatsisilerinermut, aningaasaqarnermut, aningaasalersuisarnermut aamma atuisartoqarnermut tunngassuteqartut. Siulittaasoq aamma Unammilleqatigiinnermut Ataatsimiitaliam iilaasortat pingasut inuussutissarsiornermi atuisartoqarnermilu soqutigisaqarnermut attuumassuteqassangillat. Ilaasortaq ataaseq inuussutissarsiornermut kattuffinnit ataatsimoortunit inassuteqarnerat malillugu, ilaasortaq ataaseq atuisartoqarnermut kattuffinnit ataatsimoortuni inassuteqarneq malillugu aamma ilaasortaq ataaseq immikkut pisortat inuussutissarsiornermik ingerlatsinerannik ilisimasaqartoq Naalakkersuisut aamma KANUKOKA-p ataatsimoorlutik inassuteqarnerat malillugu Naalakkersuisut toqqassavaat. Unammilleqatigiinnermut Ataatsimiitaliam iilaasortat inuttut suliatigullu piginnaasaqarnerat tunngavigalugu toqqarneqassapput, aammalu sulinermanni arlaannaannulluunniit attuumassuteqanngitsumik atuutissallutik.

§ 28. Peqqusissuteqarnerit Unammilleqatigiinnermut Ataatsimiitaliap unammilleqatigiinnermi killilersuinerni ajoqtaasumik sunniutaasut unitsinnejarnissaat siunertalarugu § 6, imm. 4, oqaaseqatigiit siulliit, imaluunniit § 11, imm. 3, oqaaseqatigiit siulliit malillugit nalunaarutigisinnaasaat, ilaatigut tassaasinnaapput:

- 1) tamakkiisumik imaluunniit ilaannaasumik isumaqatigiissutit, akuersinerit, niuernermi tunngavissarititaasut atorunnaarsinneqarneri,
- 2) akiusut imaluunniit iluanaarutit allassimasut qaangerneqaqqusaanngitsut, imaluunniit akiusunik imaluunniit iluanaarutinik naatsorsuinermi naatsorsuinermut maleruagassat aalajangersimasut atorneqassasut peqqusissuteqarneq,
- 3) suliffeqarfiit pineqartut ataaseq arlallilluunniit tunisinermut assingusumut suliffeqarfiup nalinginnaasumik atugassarititaatitai atuuttut malillugit pisisartunut erseqqinnerusumik allassimasunut tunisisarnissamik pisussaaffeqartut. Taamaattoq suliffeqarfik tamatigut aningaasanngorlugit akiliisarnissaq imaluunniit toqqisisimanartumik qularnaveeqqusisarnissaq piumasarisinnaavaa,
- 4) attaveqarnermi atortorissaarutinik, nioqqutissamik imaluunniit kiffartuussisummiq neqerooruteqarsinnaanissamut pisariaqartunik atuisinnaatitsisoqassasoq peqqusissuteqarneq, imaluunniit
- 5) peqatigiilluni niuernermut tunngavissarititaasut nalinginnaasut Atuisartoqarnermut Unammilleqatigiinnermullu Aqutsisoqarfimmut nalunaarutigisarnissaannik pisussaaffeqartut.

Imm. 2. Imm. 1, nr. 5 malillugu peqqusissuteqarneq, piffissamit aalajangiinerup inaarutaasumit pineranit ukiuni marlunni atuuppoq.

§ 29. Neriorsuutit suliffeqarfinit tunniunneqartut aammalu Unammilleqatigiinnermut Ataatsimiitaliap § 6, imm. 1-imut, imaluunniit § 11, imm. 1-imut tunngatillugu nalorninartoqartitsinerik naammassinnittut, ataatsimiitaliamit suliffeqarfinit saneqqunneqarsinnaanngitsinnejarsinnaapput. Neriorsuut piffissamut killiligaasinnaavoq.

Imm. 2. Neriorsuutip saneqqunneqarsinnaanngitsinnejareernerani, takuuk imm. 1, Unammilleqatigiinnermut Ataatsimiitaliaq neriorsuutip tunniunneqartup piffissaq eqqorlugu aammalu eqqortumik naammassineqarnissaata qulakkeerneqarnissaanut pisariaqartumik peqqusissuteqarsinnaavoq.

Imm. 3. Unammilleqatigiinnermut Ataatsimiitaliap imm. 1 malillugu aalajangiineq utertissinnaavaa, imaattoqarpat:

- 1) pissusiviusut aalajangiinermut immikkoortumi pingaaruteqartumi allannguiteqarsimappata,
- 2) isumaqtigiiussummi, akuersinermi imaluunniit suleriaatsimi ataqatigiissinneqartumi peqataasut, neriorsummut tunniunneqartumut akerliusumik iliuuseqarpata, imaluunniit
- 3) aalajangiineq isumaqtigiiussummi, akuersinermi imaluunniit suleriaatsimi ataqatigiissitami peqataasunit paasissutissat eqqunngitsut imaluunniit uukapaatitsisut tunngavigalugit pisimappat.

§ 30. Unammilleqatigiinnermut Ataatsimiitaliap paasissutissat pissutsit Inatsisartut inatsisaanni aalajangersakkani pineqartunut ilaanersut naliliinissamut pisariaqartut tamaasa piumasarisinnaavai.

Imm. 2. Unammilleqatigiinnermut Ataatsimiitaliap ilanngullugu naatsorsuutit, naatsorsuutinut najoqqutassat, atuakanit pappialangortitat, niuerermi pappiaqqat allat aamma nalunaarsuutit elektroniskimik toqqortarineqartut saqqummiunneqarnissaat piumasarisinnaavaa.

§ 31. Atuisartoqarnermut Unammilleqatigiinnermullu Aqutsisoqarfik Unammilleqatigiinnermut Ataatsimiitaliap suliaqarneranut atugassanik nakkutiginnilluni misissuisinnaavoq, Atuisartoqarnermut Unammilleqatigiinnermullu Aqutsisoqarfip suliffeqarfip imaluunniit kattuffiup inaataannut aamma assartuussissutaanut paasissutissanik sunilluunniit ilisimannilernissaq imaluunniit assilinerinik tigusinissaq siunertaralugu isersinnaalernissamik kinguneqartumik, ilanngullugit naatsorsuutit, naatsorsuutinut najoqqutassat, atuakkat allallu niuerermi pappiaqqat, paasissutissanut saqqummersitsiviusup ilusaa apeqqutaatinngagu. Nakkutiginnilluni misissuinermut atatillugu Atuisartoqarnermut Unammilleqatigiinnermullu Aqutsisoqarfip ilisimannilernissa aammalu pisariaqarpat taakkua assilinerinik tigusisinnaanissaa siunertaralugu, Atuisartoqarnermut

Unammilleqatigiinnermullu Aqutsisoqarfiup oqaasiinnartigut nassuaanissaq piumasarisinnaavaa, kiisalu inuit nakkutiginnilluni misissuinermi pineqartunut ilaasut kaasarfimmik, taskimik ilaalu ilanngullugit imaani takutitsinissai piumasarisinnaallugu.

Imm. 2. Suliffeqarfiup imaluunniit kattuffiup paasissutissaatai avataani qarasaasiamik suliaqartartumi paarineqarpata imaluunniit suliarineqarlutik, Atuisartoqarnermut
Unammilleqatigiinnermullu Aqutsisoqarfik paasissutissanik ilisimannilernissaq aammalu assilinerinik tigusinissaq siunertaralugu avataaneersumut qarasaasiamik suliaqartartumut isersinnaalersinnaavoq. Isersinnaalermissamut tunngaviussaaq Atuisartoqarnermut
Unammilleqatigiinnermullu Aqutsisoqarfik paasissutissanik pineqartunit toqqaannartumik suliffeqarfimmit imaluunniit kattuffimmit nakkutiginnilluni misissuiffigineqartunit pissarsisinnaanera ajornartoq.

Imm. 3. Imm. 1 malillugu misissuinermut atatillugu paasissutissanik sunilluunniit ilisimannilernissaq aammalu assilinerinik tigusinissaq siunertaralugu Atuisartoqarnermut
Unammilleqatigiinnermullu Aqutsisoqarfik sulisut namminneerlutik angerlarsimaffiini misissuinialuni isersinnaalersinnaavoq, ilanngullugit naatsorsuutit, naatsorsuutinut najoqquṭassat, atuakkat allallu niuernermi pappiaqqat, paasissutissanut saqqummersitsiviusup ilusaa apeqquaṭatinnagu.

Imm. 4. Atuisartoqarnermut Unammilleqatigiinnermullu Aqutsisoqarfiup imm. 1-3 malillugit nakkutilliilluni misissuineri taamaallaat Kalaallit Nunaanni Eqqartuussivinnit eqqartuussinermi aalajangiinermik piniareernerup kingorna aammalu peqqissaartumik kinaassutsimut uppermarsaammik takutitsilluni pisinnaavoq.

§ 32. § 31 malillugu nakkutilliilluni misissuinermut atatillugu Atuisartoqarnermut
Unammilleqatigiinnermullu Aqutsisoqarfik elektroniskimik paasissutissaasivinni paasissutissat imarisaannik nakkutilliilluni misissuinermi pineqartunut ilaasunik tarrarsuisinnaavoq, aammalu najoqquṭassat tarrarsukkat tamatuma kingorna misissornissaat siunertaralugu nassarsinnaallugit. Atuisartoqarnermut Unammilleqatigiinnermullu Aqutsisoqarfiup suliffeqarfiup imaluunniit avataani qarasaasiamik suliaqartartup inaatai imaluunniit sulisup angerlarsimaffia qimappagit, najoqquṭassat tarrarsukkat ammarnaveerlugit matuneqassapput. Suliffeqarfik imaluunniit tassanngaaniit aallartitaasoq, najoqquṭassat ammarnaveerlugit matusimasut ammarneqalerpata aammalu Atuisartoqarnermut
Unammilleqatigiinnermullu Aqutsisoqarfiup najoqquṭassat tarrarsukkat misissulerpagit najuussinnaatitaavoq, sulisut angerlarsimaffiminni misissuiffigitittut taamatut aamma pisinnaatitaaffeqarput. Atuisartoqarnermut Unammilleqatigiinnermullu Aqutsisoqarfiup nakkutilliilluni misissuinerup kingorna kingusinnerpaamik ulluinnaat 40-it qaangiunneranni, paasissutissanit assilillugit tigusat, Atuisartoqarnermut Unammilleqatigiinnermullu Aqutsisoqarfiup najoqquṭassanit tarrarsukkanit tigusimasinnaasai ataatsimoortut, nakkutilliilluni misissuiffigineqartumut tunniutissavai. Najoqquṭassat tarrarsukkat misissorneqarnerat naammassippat, najoqquṭassat tarrarsukkat ammarnaveerlugit

matusimatillugit uninngasutigineqassapput. Atuisartoqarnermut Unammilleqatigiinnermullu Aqtsisoqarfik naliliippat suliaq unammilleqatigiinnermut maleruagassanik unioqqutitsinermut uppermarsaatitaqanngitsoq, najoqqtassat tarrarsukkat nunguterlugit ppiarneqassapput. Atuisartoqarnermut Unammilleqatigiinnermullu Aqtsisoqarfipu suliamic ingerlatitseqqinnissaq aalajangiuppagu, suliaq inaarutaasumik aalajangiiffigineqareerpat najoqqtassat tarrarsukkat nunguterlugit ppiarneqassapput.

Imm. 2. Suliffeqarfimmi imaluunniit kattuffimmi pissutsit pissutaallutik, ulloq taanna nakkutilliilluni misissuinermik ingerlatsivusooq, paasissutissanik pissarsinissaq imaluunniit assilillugit tigusinissaq Atuisartoqarnermut Unammilleqatigiinnermullu Aqtsisoqarfimmut ajornarsimappat, Atuisartoqarnermut Unammilleqatigiinnermullu Aqtsisoqarfipu niuerfimmi init paasissutissallu attuumassuteqartut tamatuma kingorna ulluinnaat pingasut tikillugit ammarnaveerlugit matusinnaavai.

Imm. 3. Imm. 2-imituulli piumasaqaatitaqartumik Atuisartoqarnermut Unammilleqatigiinnermullu Aqtsisoqarfipu uppermarsaalluni atsiornertalimmik, paasissutissat imaluunniit paasissutissaasivik paasissutissat inisisimaffigisaat, assilillugit tigusinissaq siunertaralugu nassarsinnaavaa. Najoqqtassat Atuisartoqarnermut Unammilleqatigiinnermullu Aqtsisoqarfimmit nassarneqartut assilillugit tiguneqartunut allattuiffik ilanngullugu, aammalu paasissutissat assilineri ataatsimoortut Atuisartoqarnermut Unammilleqatigiinnermullu Aqtsisoqarfipu erseqqinnerusumik misissuinissamut atugassatut tigusimasai, suliffeqarfimmut imaluunniit kattuffimmut nakkutilliilluni misissuereernerup kingorna kingusinnerpaamik ulluinnaat pingasut qaangiunneranni utertillugit tunniunneqassapput.

Imm. 4. Atuisartoqarnermut Unammilleqatigiinnermullu Aqtsisoqarfipu immikkut pisoqartillugu imm. 1-3-imi piffissaliussat sivitsorsinnaavai.

§ 33. Politiit Atuisartoqarnermut Unammilleqatigiinnermullu Aqtsisoqarfimmut § 31, imm. 1, 2 aamma 3, aamma § 32, imm. 1-3 malillugit piginnaatitaanernik atuinerani ikiutissapput.

§ 34. Atuisartoqarnermut Unammilleqatigiinnermullu Aqtsisoqarfipu nunani allani unammilleqatigiinnermut oqartussaasunut, suleqatigiinneq apeqqutaatillugu, paasissutissat Atuisartoqarnermut Unammilleqatigiinnermullu Aqtsisoqarfipu nipangiussisimasussaatitaanerani pineqartunut ilaasut, aammalu nunat taakkua unammilleqatigiinnermut inatsisaannik atuutsitsinissamik siuarsaanissamut pisariaqartut ingerlateqqissinnaavai, ilanngullugit Kalaallit Nunaata Naalagaaffeqatigiinnerup iluani suleqatigiit marluk akornanni imaluunniit suleqatigiit arlallit akornanni pisussaaffiinik naammassinninnissaq siunertaralugu.

Imm. 2. Nunani allani unammilleqatigiinnermut oqartussaasunut paasissutissanik ingerlatitseqqilluni tunniussinissamut Atuisartoqarnermut Unammilleqatigiinnermullu

Aqutsisoqarfiup ingerlatitseqqilluni tunniussinissamut piumasaqaatitalersinnaavaa, paasissutissat:

- 1) tigusisumi taamatuttaaq nipangiussisimasussaatitaaneq atuutissasoq,
- 2) suleqatigiit marluk imaluunniit suleqatigiit arlallit isumaqatigiissutaanni atuuttumi siunertamut aalajangersarneqartumut, paarlaasseqatigiinneq taanna malillugu pisimappat, taamaallaat atorneqassasut, aamma
- 3) taamaallaat Atuisartoqarnermut Unammilleqatigiinnermullu Aqutsisoqarfimmit erseqqissumik akuersissutitaqartumik ingerlateqqinnejqarsinnaasut aammalu taamaallaat siunertamut akuersinermi pineqartunut ilaasumi.

Imm. 3. Atuisartoqarnermut Unammilleqatigiinnermullu Aqutsisoqarfiup paasissutissanik Inatsisartut inatsisaanni nipangiussisimasussaatitaanermi pineqartunut ilaasunik nunanit allamiunut oqartussanut ingerlatitseqqilluni tunniussisarneq pillugu maleruagassanik erseqqinnerusunik Naalakkersuisut aalajangersaasinnaapput.

Kapitali 8

Naammagittaalliuuteqartarneq

§ 35. Unammilleqatigiinnermut Ataatsimiititaliap Inatsisartut inatsisaat malillugu aalajangiineri allaffissornikkut oqartussaasumut allamut suliakkiissutigineqarsinnaanngillat.

Imm. 2. Unammilleqatigiinnermut Ataatsimiititaliap Inatsisartut inatsisaat malillugu aalajangiineri Kalaallit Nunaata Eqqartuussivianut siullertut oqartussaasumut suliakkiissutigineqarsinnaapput.

Imm. 3. § 24, imm. 4 malillugu aalajangiinerit suliakkiissutigineqarneri, kinguartitsinermik sunniuteqassapput. Aalajangiinernik allanik suliakkiissuteqarnerit Unammilleqatigiinnermut Ataatsimiititaliamit imaluunniit Kalaallit Nunaata Eqqartuussivianit kinguartitsinermik sunniuteqartinneqarsinnaapput.

§ 36. Aalajangiinerit Kalaallit Nunaata Eqqartuussivianut suliakkiissutigineqarnerat, pineqartumut aalajangiinerup nalunaarutigineqareernerata kingorna, kingusinnerpaamik sapaatit akunneri 4 qaangiutsinnagit pissaaq. Tunngaviusut immikkut ittut tunngavissaqartippassuk, Kalaallit Nunaata Eqqartuussiviata suliakkiissuteqarnissamut piffissaliussap qaangertinneqarnera akuerisinnaavaa.

Kapitali 9

Pineqaatissiisarnermut aalajangersakkat il.il.

§ 37. Naalakkersuisut imaluunniit Naalakkersuisunit tamatumunnga piginnaatitaasoq, ullut tamaasa imaluunniit sapaatit akunneri tamaasa pinngitsaaliissumik akileeqqusissummik pisussaaffiliisinnaapput:

- 1) paasissutissanik Unammilleqatigiinnermut Ataatsimiititaliap Inatsisartut inatsisaat manna malillugu piumasaqaatigisinnasaannik tunniussinngitsunut,
- 2) atugassarititaasumik imaluunniit peqqusissutaasumik Inatsisartut inatsisaat manna malillugu nalunaarutigineqartumik malinninngitsunut, imaluunniit
- 3) neriorsummik saneqqunneqarsinnaanngitsinnejartumik malinninngitsunut, takuuq § 29.

§ 38. Akileeqqusisummiq pineqaatissinneqarsinnaavoq piaaraluni imaluunniit sakkortuumik mianersuaalliorluni:

- 1) § 6, imm. 1-imik unioqqutitsisoq,
- 2) § 8, imm. 3, oqaaseqatigiit pingasuut, imaluunniit imm. 4, oqaaseqatigiit aappaat naapertorlugit atugassarititaasussamik nalunaarutigineqarsimasumik unioqqutitsisoq imaluunniit malinninngitsoq,
- 3) § 11, imm. 1-imik unioqqutitsisoq,
- 4) § 12, imm. 1 malillugu peqqusisummiq unioqqutitsisoq imaluunniit malinninngitsoq,
- 5) § 13, imm. 1 malillugu inerteqquteqarnermik malinninngitsoq,
- 6) § 17, imm. 1 naapertorlugu kattunermik nalunaarutiginninngitsoortoq,
- 7) § 19, imm. 2 naapertorlugu tamatuminnga inerteqquteqartoqareeraluartoq kattunermik piviusunngortitsisoq, § 19, imm. 5, oqaaseqatigiit siullit naapertorlugit tamatuma akuersissuteqarfigineqannginnerani kattunermik piviusunngortitsinissamik inerteqquteqarnermik unioqqutitsisoq, § 19, imm. 6, imaluunniit § 21, imm. 1 imaluunniit 3 malillugit atugassarititaasussamik imaluunniit peqqusisummiq malinninngitsoortoq, imaluunniit § 23 naapertorlugu peqqusisummiq nalunaarutigineqartumik malinninngitsoortoq,
- 8) § 28 malillugu peqqusisummiq unioqqutitsisoq imaluunniit malinninngitsoortoq,
- 9) neriorsummik § 29, imm. 1 malillugu saneqqunneqarsinnaanngitsinnejartumik unioqqutitsisoq imaluunniit malinninngitsoortoq,
- 10) § 29, imm. 2 malillugu peqqusisummiq unioqqutitsisoq imaluunniit malinninngitsoortoq,
- 11) § 30 malillugu piumasaqaammik malinninngitsoortoq, imaluunniit
- 12) paasissutissanik eqqunngitsunik imaluunniit uukapaatitsisunik Unammilleqatigiinnermut Ataatsimiititaliamut imaluunniit Atuisartoqarnermut Unammilleqatigiinnermullu Aqutsisoqarfimmut tunniussisoq imaluunniit paasissutissanik suliamut paasissutissanik piniarfigineqarsimasumut pingaaruteqartunik nipangiussiinnartoq.

Imm. 2. Imm. 1, nr. 1, piffissamit isumaqatigiissutip, suliffeqarfifit kattuffiata iluani akuersinerup imaluunniit suleriaatsip ataqtigiiressitap § 8, imm. 1 imaluunniit imm. 4 malillugit Unammilleqatigiinnermut Ataatsimiititaliamut nalunaarutigineqarneranit, aammalu Unammilleqatigiinnermut Ataatsimiititaliap § 8, imm. 1 imaluunniit imm. 4 malillugit aalajangiinerminik nalunaaruteqarnissaat tikillugu atuutissanngilaq.

Imm. 3. Peqqussutini Inatsisartut inatsisaat manna malillugu aalajangersarneqartuni iliuusissanik aalajangersaasoqarsinnaavoq Kalaallit Nunaanni pinerluttulerinermut inatsit malillugu akileeqqusissutut iluseqartunik.

Imm. 4. Inatsisartut inatsisaat imaluunniit peqqussutit Inatsisartut inatsisaat malillugu aalajangersarneqartut akileeqqusissummik aalajangersaanissamik tunngavissaqartitsippata, akileeqqusissut Kalaallit Nunaanni pinerluttulerinermut inatsimmi maleruagassat malillugit pisussaatitaasoq pisinnaatitaasorlu akileeqqusissummik pisussaaffilerneqarsinnaavoq.

Imm. 5. Akileeqqusissutit imm. 1 aamma imm. 3-4 malillugit pisussaaffiliunneqartut Nunap karsianut tutsinneqassapput.

Imm. 6. Unioqqutitsineq piaarineruppat aammalu pingaartumik unioqqutitsinerup annertussusaa imaluunniit ajoqsiisumik sunniuteqarnera malitseqarsinnaasoq tunngavigalugit sakkortuumik iliorneruppat, § 6, imm. 1-imut akerliusumik niuernikkut unammilleqatigiinnermik annikillisitsisumik isumaqatigiissuteqartumut iliuusissat Kalaallit Nunaanni pinerluttulerinermut inatsit malillugu aalajangersarneqarsinnaapput. Oqaaseqatigiit siullit malillugit niuernikkut unammilleqatigiinnermik annikillisitsisumik isumaqatigiissuteqarneq paasineqassaaq tassaasoq isumaqatigiissut, suleriaaseq ataqtigiiitaq imaluunniit suliffeqarfiiit assigimmik kaaviiartitatigut inissisimasut akornanni akuersinerit makkua pillugit:

- 1) tunisinermut imaluunniit nioqqutissanik imaluunniit kiffartuussissutinik tuniseqqinnermi akiusut, iluanaarutit assigisaallunniit,
- 2) tunisassiornermi imaluunniit tunisinermi killilersuutaasut,
- 3) niuerfinnik imaluunniit sullitanik agguluineq, imaluunniit
- 4) neqeroorutinik ataqtigiiissaarineq.

Imm. 7. § 6, imm. 1-imut akerliusumik, immikkut sukannersunik pisoqartillugu immikkut annertussuseqartumik niuernikkut unammilleqatigiinnermik annikillisitsisumik isumaqatigiissuteqartut, Kalaallit Nunaanni pinerluttulerinermut inatsit malillugu iliuuseqarfigineqarsinnaapput. Immikkut sukannersumik pisoqarneri pingaartumik unioqqutitsineq annertoorujussuarmik annertussuseqarluni imaluunniit annertoorujussuarmik ajoqsiinermik malitseqarsinnaalluni pisutut isigineqarpoq.

§ 39. Niuernikkut unammilleqatigiinnermik annikillisitsisumik isumaqatigiissuteqarluni § 6-imut akerliusumik iliuuseqartoq, akileeqqusissummut imaluunniit paarnaarussaanissamut unammilleqatigiinnermik annikillisitsinermi peqataanerminut pineqartup pisussaaffigisussaagaluagaanut eqqartunneqannginnissamik angusaqarsinnaavoq, qinnuteqartoq siulliulluni oqartussaasunut saaffiginnikkuni, aammalu unammilleqatigiinnermik annikillisitsineq pillugu paassisutissanik oqartussaasut qinnuteqarnerup nalaani pigisarinngisaannik saqqummiussilluni. Paassisutissat makkua pineqartuussapput:

- 1) pissutsit pineqartut pillugit oqartussaasut nammineerlutik nakkutiginninnermi misissuinnginnerminni imaluunniit ornigullutik misissuinnginnerminni, oqartussaasut pissutsit pineqartut pillugit nakkutiginninnermi misissuinerrik, ornigullutik misissuinerrik imaluunniit politiinut nalunaarutiginninnermik aallartitsinissamut pissutaasoq aalajangersimasoq oqaatigissavaat, imaluunniit
 - 2) pissutsit pineqartut pillugit oqartussaasut nakkutiginninnermi misissuereerneranni imaluunniit ornigullutik misissuereerneranni, oqartussaasut niuernermi unammilleqatigiinnermik annikillisitsisumik suliaqarnertut iluseqartumik unioqqutitsinermik paasisaqarsinnaalersimassasut.

Imm. 2. Unnerluutiginninnginnissaq aatsaat anguneqarsinnaavyoq, qinnuteqartoq:

- 1) suliap suliarineqarnera tamaat oqartussasunut suleqataappat,
 - 2) kingusinnerpaamik qinnuteqaatip tunniunneqarnerani niuernermi unammilleqatigiinnermik annikillisitsisumik peqataanerminik unitsitsippat, aamma
 - 3) allanik niuernermi unammilleqatigiinnermik annikillisitsisumik peqataanissamut pinngitsaaliişimannngippat.

Imm. 3. Qinnuteqartup unnerluutiginninnginnissamut tunngavissarititaasut imm. 1, nr. 1-imi imaluunniit 2-imi taaneqartut qinnuteqartup naammassisimanngippagit, qinnuteqaat akileeqqusisummik annikillisitsinissamik qinnuteqaatitut isigineqassaaq, takuuq § 40, imm. 1.

§ 40. Niuernermi unammilleqatigiinnermik annikillisitsisumik isumaqatigiissuteqarluni § 6-imut akerliusumik iliuuseqartoq, akileeqqusissutip pineqartup niuernermi unammilleqatigiinnermik annikillisitsisumik isumaqatigiissuteqarnermi peqataanermini pisussaaffigiligassaruata annikillineqarnissaanik angusaqarsinnaavoq:

- 1) qinnuteqartoq niuernermi unammilleqatigiinnermik annikillisitsisumik isumaqatigiissummut tunngatillugu paassisutissanut oqartussaasut pigeriigaannut naleqqiullugu annertuumik naleqarnerulersitsisunik paassisutissanik saqqummiiguni, aamma
 - 2) qinnuteqartup § 39, imm. 2-imi tunngavissaritaasut allassimasut naammassisimagunigit.

Imm. 2. Qinnuteqartumut siullermut imm. 1-imi tunngavissarititaasunik naammassinnittumut akileeqqusissummik annikillisitsineq, akileeqqusissutip pineqartup niuernermi unammilleqatigiinnermik annikillisitsisumik isumaqatigiissuteqarnermi peqataanermini pisussaaffigiligassaraluata 50 procentiatut annertussuseqarpoq. Qinnuteqartup aappaanut imm. 1-imi tunngavissarititaasunik naammassinnittumut akileeqqusissummik annikillisitsineq 30 procentiuvoq. Qinnuteqartunut taakkua kinguliiniittunut imm. 1-imi tunngavissarititaasunik naammassinnittunut, akileeqqusissummik annikillisitsineq 20 procentit tikillugit annertussuseqarpoq.

§ 41. Unnerluutigineqannginnissamik imaluunniit akileeqqusissummit
annikillisitsinissamik qinnuteqaat Atuisartoqarnermut Unammilleqatigiinnermullu

Aqtsisoqarfimmut tunniunneqassaaq. Suliani inuit imaluunniit suliffeqarfiit unnerluutigisaappata, imaluunniit Immikkut Aningaasaqarnikkut aamma Nunani tamalaani Pinerluttuliornermut Naalagaaffimmi eqqartuussissuserisoq niuernermi unammilleqatigiinnermik annikillisitsumik isumaqatigiissuteqarluni unioqqutitsinermik pasitsaanneqartumik misissuinermik aallartitsisimappat, pineqaatissiissutinik qasukkartitsinissamut qinnuteqaat aamma Immikkut Aningaasaqarnikkut aamma Nunani tamalaani Pinerluttuliornermut Naalagaaffimmi eqqartuussissuserisumut tunniunneqarsinnaavoq.

Imm. 2. Imm. 1 malillugu qinnuteqaat, suleriaaseq manna malillugu suliarineqassaaq:

- 1) Oqartussaasoq qinnuteqaammik tigusaqartoq, takuuk imm. 1, taassuma tigusimaneranut uppernarsaassaaq.
- 2) Oqartussaasoq aalajangiisussaasoq, takuuk § 42, imm. 1, neriorsuutaagallartumik tunisissaaq, § 39, imm. 1-imi imaluunniit § 40, imm. 1-imi tunngavissarititaasut naammassineqarsimanersut, aammalu piffissami tassani qinnuteqaatip itigartinneqarnissaanut tunngavissaqarsimanersoq, pissutigalugu § 39, imm. 2-imi tunngavissarititaasut naammassineqarsimanngitsut naliliisoqarmat, paasissutissanik imaqtumik.
- 3) Suliami paasissutissat nalilersuinerlu inaarutaasumik naammassereerpata, oqartussaasoq aalajangiisussaaq, takuuk § 42, imm. 2, qinnuteqartup § 39, imm. 2-imi tunngavissarititaasut naammassisimanerai nalunaaruteqassaaq, aammalu taamaattoqarsimappat neriorsuutaagallartumut nr. 2 malillugu qinnuteqartup pissarsiarisimasaanut naapertuuttumik unnerluussinnginnissaq imaluunniit akileeqqusissummik annikillisitsineq nalunaarutigissallugu.

§ 42. Neriorsuutaagallartoq oqartussaasumit § 41, imm. 1-imut naapertuuttumik qinnuteqaammik tigusimasumit tunniunneqassaaq. Oqartussaasup § 41, imm. 2, nr. 2 malillugu neriorsuutaagallartumik tunniussinissa sioqquullugu, neriorsuut Atuisartoqarnermut Unammilleqatigiinnermullu Aqtsisoqarfiup aamma Immikkut Aningaasaqarnikkut aamma Nunani tamalaani Pinerluttuliornermut Naalagaaffimmi eqqartuussissuserisup akornanni oqaluuserineqarsimassaaq. Akileeqqusissutip atorunnaarsinnissaanut neriorsuutaagallartoq taamaallaat tunniunneqarsinnaavoq, oqartussaasut taakkua tamanna isumaqatigiissutigippassuk.

Imm. 2. § 41, imm. 2, nr. 3 malillugu unnerluutiginninnginnissamik nalunaaruteqarneq, Immikkut Aningaasaqarnikkut aamma Nunani tamalaani Pinerluttuliornermut Naalagaaffimmi eqqartuussissuserisumit Atuisartoqarnermut Unammilleqatigiinnermullu Aqtsisoqarfimmut tusarniaareernerup kingorna unnerluutiginninnginnissatut iluseqartumik nalunaarutigineqassaaq. § 41, imm. 2, nr. 3 malillugu akileeqqusissummik annikillisitsinissaq pillugu nalunaaruteqarneq, Atuisartoqarnermut Unammilleqatigiinnermullu Aqtsisoqarfimmut tusarniaareernerup kingorna Immikkut Aningaasaqarnikkut aamma Nunani tamalaani Pinerluttuliornermut Naalagaaffimmi eqqartuussissuserisumit, suliami

aalajangersimasumi tessani akileeqqusissuteqarsimasumit imaluunniit suliamik eqartuussivinnut tunniussimasumit, nalunaarutigineqassaaq.

§ 43. Suliffeqarfinit assigiinngitsunit qinnuteqaatit, qinnuteqartut suliffissuarmi ataatsimoorlutik atasimanngikkunik aammalu qinnuteqaammi immikkut allassimappat ingerlatseqatigiiffiit sorliit qinnuteqaammi pineqartunut ilaandersut, pineqaatissiinerit qasukkartinnissaat pillugu ataatsimoortumik qinnuteqaatitut tunniunneqarsinnaanngillat, aammalu qinnuteqaat.

Imm. 2. Suliffeqarfimmit imaluunniit kattuffimmit qinnuteqaammi ingerlaannartumik maannakkut siusinnerusukkullu siulersuisuni ilaasortat, sulisut aqutsisuneersut imaluunniit atorfillit allat pineqartunut ilaapput, tunngavissaritaalluni pineqartup § 39, imm. 2-imi tunngavissaritaasut naammassisimassagai. Suliami paasissutissat nalilersuinerillu inaarutaasumik naammassineqareerpata, Immikkut Aningasaqarnikkut aamma Nunani tamalaani Pinerluttuliornermut Naalagaaffimmieqartuussissuserisup, takuuk § 42, imm. 2, nalunaarutigissavaa inuup § 39, imm. 2-imi tunngavissaritaasut naammassisimanerai, taamaattoqarsimappallu neriorsuutaaggallartumik suliffeqarfiup imaluunniit kattuffiup § 41, imm. 2, nr. 2 malillugu pissarsiarisimasaanut naapertuuttumik, unnerluutiginninnginnissaq imaluunniit akileeqqusissummik annikillisitsinissaq nalunaarutigissallugu.

Kapitali 10

Atuutilersitsinermut ikaarsaariarnermullu aalajangersakkat il.il.

§ 44. Inatsisartut inatsisaat ulloq 1. juli 2014 atuutilerpoq.

Imm. 2. Peqatigisaanik unammilleqatigiinneq pillugu Inatsisartut inatsisaat nr. 16, 19. november 2007-imeersoq atorunnaarsinnejarpooq.

Imm. 3. Nalunaarutit unammilleqatigiinneq pillugu Inatsisartut inatsisaat nr. 16, 19. november 2007-imeersoq malillugu atuutilersinneqartut, maleruagassanit Inatsisartut inatsisaat manna malillugu aalajangersarneqartunit taarserneqarnissamik imaluunniit atorunnaarsinnejarnissamik tungaanut atuutiinnassapput:

- 1) Unammilleqatigiinnermut Ataatsimiititaliap suleriaasia aamma ingerlatsinera pillugu Namminersornerullutik Oqartussat nalunaarutaat nr. 2, 1. februar 2008-imeersoq.
- 2) Suliffeqarfinit pisortanit pigineqartunut aalajangersimasunut tutsinneqarsimasunik tapiissutit utertillugit akilernissaat pillugu Namminersornerullutik Oqartussat nalunaarutaat nr. 18, 27. juni 2008-imeersoq.
- 3) Unammilleqatigiinneq pillugu inatsisartut inatsisaanni kaaviaartitat ilaalu ilanngullugit naatsorsortarnerannut Namminersornerullutik Oqartussat nalunaarutaat nr. 22, 1. juli 2008-imeersoq.

Namminersorlutik Oqartussat ulloq XX YY 2014

Aleqa Hammond